

閩媛典第一百四十六卷

閩節部列傳二十八

明二十三 姜自泰妻朱俞娘 黃燭妻余氏

按建寧縣志朱俞娘姜自泰妻年二十三喪夫撫孤守節歷荒年無異志艱苦六十餘年卒年八十有七郡守旌之 按建寧縣志余氏黃燭妻年十七而寡遺孤孺生纔四十日氏守節事姑以孝聞巡撫旌表

徐世學妻李容娘

按建寧縣志李容娘在城庠生徐世學妻年二十四夫亡欲死其母曰汝舅姑垂白待汝養汝孤方釋汝死不重遺亡人憂乎乃從母命苦守二孤供舅姑甘旨訓諸孫以禮義孀居四十餘年戚戚然如一日臨終囑諸子婦親殮之縣令旌表

楊氏女 黃氏附

按建寧縣志楊氏女周坪保人年十六許配在城李奇雍雍病女請於父母欲往視不可泣曰願一

侍刀匕死且無憾遂往暮月而雍沒未成婦也父母兄弟欲嫁之以死自誓有老嫗以微言挑之闔扉哭曰不諒撓我不休豈以我爲憚一死耶遂自經以救免自是無敢復言居恆未嘗有戚容伯氏奇璧教其女問曰嬀何以不戚曰若戚惡能守耶奇璧大奇之誠其婦曰汝等當善成其志其婦亦能體璧意與相得甚歡久之乃得璧次子宏爲雍後楊親課宏讀補邑庠生宏早天楊勉宏妻黃氏撫育二子黃亦能砥節孝養郡守旌之

丁貴鼎妻孔廷娘

按建寧縣志孔廷娘開山保丁貴鼎妻年二十八鼎亡孔矢志孀居事舅姑以孝聞撫二子士濂士溶怡怡友愛孔目經五世享年九十七旌表

李寅妻朱氏

按建寧縣志朱氏李寅妻寅早歿寅之兄嫂亦相繼沒俱無嗣越三年寅弟富又死富止一子傑方襁褓朱父母謂女曰而家凶禍如此熒熒一孤姪誰與爲倚而苦守乎女泣曰與孀共一姪猶兒子也何忍舍之因抱傑大哭未幾孀又亡朱撫姪極恩勤孀居四十年郡守旌之

王寵妻何氏

按建寧縣志何氏大南保人王寵妻寵年十五而病何子歸侍湯藥三月寵亡何年纔十四猶處子也父母迎歸謀欲嫁之何慟哭仆地以簪刺其喉父母知不可強返之自是遂絕跡母家夫兄冬爲臬掾攜家福城念何少亦勸令改適何曰伯以吾將累伯乎第日給米一升他無所需也久之立伯子爲後子又不育何矢志益堅司訓譚如桂每捐俸周給年六十五卒

甯餘質妻范寧

按建寧縣志范寧甯餘質妻年二十而寡撫遺腹子貧不能自存親戚憐之勸其改適范喟然曰吾身可滅吾志不可奪與其失節而生不若凍餓而死弘治癸亥郡守陸公勉旌之

黃孟安妻俞氏

謝國徵妻何氏

按建寧縣志俞氏周平人黃孟安妻年十八而寡止遺腹一子舅姑憫其無依欲令再嫁俞曰寧死不爲此也遂守節終身 按建寧縣志何氏鑣村保人謝國徵妻年十九夫亡無出撫嗣子世傳成立孝事瞽姑便溺必隨有司旌其節孝

魏勝老妻陳遠娘

按沙縣志陳遠娘魏勝老妻性貞靜專一年十七子歸孝事舅姑敬順夫子生子宗泰甫三歲勝老疾亟呼遠娘與之訣曰我病必死第願汝爲我孝養二親撫育孤兒卽瞑目無憾言畢而逝遠娘年二十撫屍慟哭幾絕杜門自守矢志無他卒年八十有四弘治間旌表

馮經妻余玉娘

按沙縣志余玉娘儀奉國人馮經妻也年十七經死玉矢志不二媒者過問卽厲色拒之後無敢復言歸寧母家兩被山寇俱夜夢神人令早避皆得免患人咸謂其貞志通神明云

滕奎妻趙富

按建安縣志趙富邑庠生滕奎妻奎早亡趙年三十餘引帛自縊家人驚救獲免乃躬紡績甘淡薄撫二女皆遣嫁育夫從子禪爲後弘治間奏請旌表

楊士倫妻張閏

按建安縣志張閏楊士倫妻倫遭疾張求禱不效乃割股和粥以進疾瘳已復作不起泣曰君脫不

諱妾當從但姑老子幼姑留以終事必不相負也倫亾年二十餘悲痛幾絕矢志不二事姑盡禮撫二孤昂昂皆成立弘治間奏請旌表

楊仕儀妻周氏

按建安縣志周氏楊仕儀妻兵部員外郎周炫女讀書通大義年十九歸儀踰年而儀病亟顧謂周曰吾死數也汝年少宜自爲計周泣曰身爲君身不能改也且方妊倘得男可爲他人有耶儀亾五閏月生子旦長登進士第累官吏部尙書弘治間奏請旌表

陳琦妻蘇貴娘

按建安縣志蘇貴娘貢生陳琦妻琦廷試沒於京師貴娘聞訃哭絕復甦者再或勸改適泣曰吾不忍辱吾夫時姑垂白在堂貴娘奉養得其懽心撫幼子底於成立孀居三十餘年弘治間奏請旌表

吳翹妻李氏

按廣東通志李氏順德吳翹妻年二十三而夫歿子鎮都甫歲餘矢志撫孤奉翁姑甚謹姑老久病李旦夕不離側姑曰願而婦若爾庶報今日不然豈天道哉巡撫及學使遣官周卹表其閭

李道妻何氏

按廣東通志何氏順德李道妻年二十一生子標月餘而道沒孀姑溫氏頻病何侍藥晝夜不離寢所焚香祝天祈代溫病不起何罄簪珥營葬弘治五年旌表復其家

吳貫之妻鍾氏

按廣東通志鍾氏吳貫之妻南海鎮佛成女也年十九而嫁未十月有身貫之病革曰語予死不恨第二喪未舉汝年少異日尙儷他人縱得生子又安能保鍾涕泣曰君平生好善天道必祐萬一若此妾安有二心及亾鍾哀毀逾禮營葬三喪旣而產子所惟紡績自給守之成人弘治間旌表

趙不疆妻梁氏

按廣東通志梁氏新會人母死育於諸母年十九而嫁爲趙不疆妻年二十一不疆死於非命父母謂之曰將擇勝家別爲汝圖梁歸而哭於室翁姑怒曰服已從吉何以悲亂我心梁不能發聲氣咽絕半餉自是不歸寧五六年自少律身甚謹如老成人一女已適人聞其行不修絕不與見童僕稍輕佻者皆遣去之常戒其子以務學力勤示以爲父復仇意縣令丁積時致胙焉

李宗妻蕭氏

按廣東通志蕭氏番禺李宗妻生子綱二歲而夫亡氏年二十八或勸改適不從惟以紡績爲事綱長領鄉薦孀居三十餘年弘治八年旌表

陳雍妻鍾氏

程富妻附

按廣東通志鍾氏新會人庠生陳雍妻年二十七生子禘未總角雍亡鍾哀毀垢面弗飭殯葬如禮苦守二十餘年始終惟一弘治間旌表廣州指揮程富妻鍾氏亦少寡矢志年未四十同時旌表

王鑾妻吳氏

黃盡妻鄭氏

按廣東通志吳氏前所吳昇女中所生員王鑾妻年二十六寡居守節弘治癸亥旌表
按廣東通志鄭氏番禺黃盡妻歸四年而盡亡氏年二十三撫遺腹子苦節終老畢生不一歸寧弘治十年旌表

何福餘妻周氏

譚氏附

按廣東通志周氏順德何福餘妻年二十七生子越二年夫亡守節不二積五喪氏竭力殯之孀

古今圖書集成
居四十年詔旌表族孫應黼妻譚氏亦守節終身

陳滿妻何氏

按廣東通志何氏新會陳滿妻有賢行年二十四滿沒一子亦殤何每哭必絕越年餘富民爭求婚姑憐其少語之曰毋以我爲新婦累何泣曰我所以不卽死者姑老無他子孫也朝夕勤麻枲供飲食不少受惠於人宗戚子弟數十年有不見其面者天雨牆壞家故貧不能募工何自運瓦礫砌之一切極勤苦無怨

張履妻李氏

按廣東通志李氏海康龔憲李璿女同邑知縣張昊子履妻生一子未週而履亡氏年二十五撫孤矢無他志成化初郡罹兵火輒饑窘氏賴紡績養子成立弘治間有司申請旌表

徐輔妻馮氏

廖章妻陳氏 吳鑑妻陳氏

按廣東通志馮氏海康所千戶徐輔妻年十九夫亡遺腹生子四元孀居撫養門戶整肅比子長襲職親支罕見其面弘治間巡按欲奏旌未果而沒 按廣東通志陳氏太學生廖章妻年二十夫

亡於京邸陳鞠妾子廖忠誓不再嫁孝養翁姑終老弘治甲寅巡按奏表之年八十卒 按廣東

通志陳氏海康民吳鑑妻年二十二夫亡撫一子威時避寇於城饔殮莫繼每有食必先翁姑寇平還家攻苦無二年踰八十卒

劉禎妻詹氏 陳昇妻李氏 陳本忠妻潘氏

按廣東通志詹氏歸善人年十七歸劉禎一年而夫亡撫遺腹子全孀居六十年弘治中旌表

按廣東通志李氏陳昇妻博羅人年二十四夫亡遺孤方四月姑令里嫗潛諭之嫁李呼天泣誓自後無敢言服縞素五十載弘治中旌其閭 按廣東通志潘氏博羅人諸生陳本忠妻生一女無

子年二十五本忠亡哀毀骨立或勸再適輒震怒誓死邑令旌之

廖宗妻顧氏 譚民傑妻廖氏

按龍門縣志顧氏廖宗妻年二十二宗沒育嗣子傳如已出事繼姑盡婦道孀居三十八年年六十

卒 按龍門縣志廖氏譚民傑妻宗之女也年二十傑亡撫遺腹子達苦守終身年七十卒

廖讓妻吳氏 陳氏王氏附

按龍門縣志吳氏廖讓妻生二子曰昺曰昇年二十七讓沒貞守不渝年六十九卒昺妻陳氏生子新年二十五昺沒姑婦相守與人言不踰閭甘泉湛若水表其居昇妻王氏年二十四昇沒無子撫姪宗爲嗣與姒共苦守終身

黃曉妻袁氏

廖俊妻李氏

按龍門縣志袁氏黃曉妻年十九曉沒撫遺腹子求舉拮据艱難至老不易 按龍門縣志李氏廖俊妻年二十二俊沒無子以姪仕奉爲後苦節不渝年七十九卒

葉漢妻顧氏

劉耀妻鍾氏

按龍門縣志顧氏葉漢妻年二十二漢沒父母屢逼嫁不從年四十二卒 按龍門縣志鍾氏劉

耀妻年二十五耀沒一子五歲而殤煢煢獨守非祭祀不踰閭事舅姑以孝聞一錢不入私室年六

十二終

李邦美妻鄧氏

盧氏王氏廖氏附

按增城縣志鄧氏李邦美妻年二十四夫亡守節旌表同時龜峰鋪林景先妻盧氏年二十五而寡

龔逕龔祖澤妻王氏年二十五而寡馬站巷鄭朝伯妻廖氏年二十三而寡皆無子守節至老被旌

張星妻吳氏

何氏林氏陳氏何氏附

按增城縣志吳氏龜峰鋪張星妻星亡吳年二十四守節不二養姑鞠子至老被旌同時黎濂妻何氏年二十六而寡西郭巷張律妻林氏年二十六而寡龜峰鋪李孔興妻陳氏年二十六而寡石灘陳潏妻何氏年二十二而寡皆守節如吳旌表

盧國寧妻顧氏

按增城縣志顧氏庠生盧國寧妻年二十二寧亡無子以夫兄子應徵爲己子矢志撫孤不踰閭閻奉妾姑同處一室事之甚謹翁綸官按察使嘗以孝稱之卒年七十有六應徵後領鄉薦以文行稱

林少光妻潘氏

按增城縣志潘氏年十七歸林少光三年而光亡家貧紡績自給守節終身

顧觀全妻鄭氏

按增城縣志鄭氏會仙鋪人顧觀全妻全沒氏年二十二遺腹生子厚時杜門矢志服闋不除雖卑

幼未嘗一見養姑以孝聞弘治間鄰火延及閭里獨鄭居免焉人以爲節孝之感有司旌其門

黎杜妻廖氏

黃昭妻袁氏

溫氏附

黎鉦妻錢氏

按增城縣志廖氏庠生黎杜妻杜亡遺腹生子臨惠廖年二十五矢志靡他日惟紡績以供菽水教臨惠成立 按增城縣志袁氏黃昭妻年二十二昭亡與顧紹純妻溫氏皆守節鞠遺腹子至老被旌溫寡時年十九 按增城縣志錢氏慶隆鋪民黎鉦妻歸三載生一子夫亡錢年二十有二垢面蓬首誓無他志事妾姑敬若生母鄉黨咸以節孝稱之

陳才惠妻嚴貞彥

按連州志嚴貞彥連州人年十六適龍津門外陳才惠才惠亡遺腹生一子時貞彥年二十父威謀嫁之貞彥泣曰舅姑春秋高子在襁褓何忍捨之他適父勿復言弘治戊午年八十有一郡守曹鎬旌其門

文景妻羅香貞

嚴如崑妻李閑英

秦思諱妻黃氏

按連州志羅香貞連州諸生文景妻年二十一景亡羅矢志訓孤事姑終身不歸寧鄰里罕見其面

有司旌表

按連州志李閑英州民嚴如崑妻年十九生子僅三月崑亡氏撫遺孤矢勿再適孀

居四十餘載郡守王立準旌其門

按廣西通志黃氏博白人黃仕慶女年十八歸秦思諍舉一

子三歲思諍沒氏年二十一哀毀骨立矢志終身弘治三年有司旌表

莫朝宣妻蔣氏

按廣西通志蔣氏名妙慶宜山蔣廷璉女及笄歸莫朝宣宣領景泰癸酉鄉薦沒氏年二十二翁姑

哀其少將嫁之不從以女工自給訓子驕讀書應貢舉尋亦天氏率其婦淡泊勤苦撫育三孫自滿

自廣自矜皆克有成弘治辛酉年七十終

陳通妻孔氏

龔璟妻袁氏

朱宣妻劉氏

按貴州通志孔氏小旗陳通妻正統末通禦寇死孔守節不二弘治初旌表

按貴州通志袁氏

貴陽人龔璟妻夫亡孀居七十五年事聞旌表

按貴州通志劉氏千戶朱宣妻名慧芳未字時

割股爲羹以療母病年二十一夫亡矢志撫孤以壽終

嚴可富妻高氏

汪氏附

按雲南通志高氏雲南府嚴可富妻宜良人年二十七富亡氏以女紅給諸子墓祭歸途中拾白金八十餘兩訪其人歸之子嚴鎮娶汪氏亦年二十七而寡生遺腹子容矢志如姑皆以壽終鄉人稱爲嚴氏雙璧大學士李東陽作傳謝遷爲記巡撫都御史王啟爲贊

楊以榮妻沈氏

按雲南通志沈氏諸生楊以榮妻通海人家貧以紡績資榮膏火年十九夫亡撫遺腹子族利其產謀令改嫁沈抱子慟哭靈前自縊鄰婦救免謀者遂息苦守四十五年終弘治三年旌表

萬昂妻王氏

李松妻歐陽氏

按雲南通志王氏建水人萬昂妻夫亡年二十三養姑撫子至親罕見其面媒媼探其意王引刀斷指以示莫敢復言 按雲南通志歐陽氏李松妻建水人歐陽順祥女年二十七松亡遺孤葉三歲家貧紡績撫葉成人年六十四卒

段文斐妻王氏

王璠妻趙氏

按雲南通志王氏段文斐妻阿迷人夫亡撫二子六女躬織紉謀朝夕之死靡他 按雲南通志

趙氏王璫妻名惠澄建水人幼寡言笑年十五歸璫璫沒趙哀毀幾絕蔬食終身

胡氏女

按雲南通志胡氏女父世熙初許聘指揮孫治心子孟麟孟麟邁疾甚危女年十二密割股煎湯告於母令使以進數日麟卽欲自盡賴母救得免竟歸孫潛閉五十餘年有司月給糈優恤

張寶妻李氏

張晟妻鄭氏

閔訓妻馬氏

按雲南通志李氏張寶妻建水人子瓊甫二歲寶亡遺腹復生子氏年二十二守節四十年撫二孤成立 按雲南通志鄭氏張晟妻永昌人鄭文元女晟騰越諸生早亡鄭年二十一矢志守節撫其子邦教弘治中舉於鄉年八十卒 按雲南通志馬氏閔訓妻永昌人馬奇玉女年十六適訓四年訓亡遺孤玘甫三歲瑞甫二月父母欲奪其志不從事舅姑撫二子年七十四終

陸緒妻王氏

張暉妻李氏

曾祥妻賈氏

按雲南通志王氏陸緒妻永昌人緒冲學生早亡每當令節輒哭不已鄰里聞其聲咸爲傷惻歷三十餘年卒 按雲南通志李氏張暉妻寧州人年十九喪夫終身縞素苦節事姑敦婦道弘治五

年旌表 按雲南通志賈氏孝廉曾祥妻建水人賈千戶女祥氏守志撫孤歷五十年子孫相繼成立弘治六年旌表

王勛妻趙氏 李全妻張氏

按雲南通志趙氏王勛妻阿迷人年二十八夫亡撫孤子就學後子婦皆沒又撫遺孫成立 按

雲南通志張氏李全妻河陽人年二十夫亡遺腹生子亦殤苦守五十餘年志不可奪弘治間旌表

張氏女 李愈祥妻黃氏

按雲南通志張氏女河陽人許聘李君霑未嫁而君霑死父以之復許姚琰張潛往霑墳自縊獲救免誓死不嫁弘治間學使旌其門 按雲南通志黃氏李愈祥妻河陽人弘治十四年夫亡黃年

二十撫二子守節終身

王經妻張氏

按雲南通志張氏王經妻大姚人張漢科女經爲諸生早亡子鳴鳳三歲舅姑老家貧氏處之宴然鳴鳳以母訓成名官縣令弘治元年御史旌表